



SPORAZUM O SARADNJI

između

AGENCIJE ZA DRŽAVNU SLUŽBU BOSNE I HERCEGOVINE (ADS BiH)
Sarajevo

AGENCIJE ZA DRŽAVNU SLUŽBU FEDERACIJE BOSNE I HERCEGOVINE (ADS FBiH)
Sarajevo

AGENCIJE ZA DRŽAVNU UPRAVU REPUBLIKE SRPSKE (ADU RS)
Banja Luka

PODODJEL ZA LJUDSKE RESURSE BRČKO DISTRIKTA (PD LJR BD)
Brčko

Imajući u vidu da je za napredak BiH na putu evropskih integracija neophodna sveobuhvatna reforma njenih upravnih struktura i relevantnih procesa unutar tih struktura,

Svjesni odgovornosti koje centralne institucije za upravljanje ljudskim potencijalima (ULJP) imaju u sveukupnom procesu reformi upravnih struktura u BiH,

Polazeći od neophodnosti da se poslovi na reformi upravnih struktura u BiH trebaju voditi na koordiniran i transparentan način,

Smatrajući da postoji jasan zajednički interes za intenzivnijom i efikasnijom saradnjom rukovodilaca centralnih institucija za ULJP u uspostavi i afirmaciji procedura i praksi modernog upravljanja ljudima,

kao predstavnici gore pomenutih institucija, saglasni smo da, na načelima uzajamnog poštovanja i razumijevanja,

uspostavimo

Forum direktora agencija za državnu službu/upravu u BiH (Forum direktora)¹

¹ Forum direktora uključuje i predstavnika Brčko Distrikta i to kroz funkciju šefa Pododjela za ljudske resurse.

A. SVRHA FORUMA

Osnovna svrha Foruma direktora jeste da rukovodiocima agencija za državnu službu/upravu u Bosni i Hercegovini obezbijedi platformu za efikasniju koordinaciju i plodotvorniji rad na pitanjima unapređenja prakse upravljanja ljudskim potencijalima u strukturama državne službe.

B. PODRUČJA RADA

Aktivnosti Foruma direktora će biti fokusirane na teme koje se tiču sljedeća tri aspekta upravljanja državnom službom:

1. Unaprjeđenje propisa i praksi u različitim segmentima upravljanja ljudskim potencijalima u upravnim strukturama u BiH i njihova harmonizacija na bazi principa SIGME i dobrih praksi u ovoj oblasti;
2. Jačanje kapaciteta državnih službenika kako u agencijama za državnu službu/upravu, tako i u drugim, pojedinačnim institucijama;
3. Zaštita i afirmacija pozicije i statusa agencija, kao i unaprjeđenje materijalno-tehničkih uslova u kojima iste rade.

C. NAČINI SARADNJE

Učesnici u radu Foruma direktora saglasni su da svoj zajednički rad usmjere na:

- organizovanje periodičnih sastanaka u cilju razmjene relevantnih informacija, iskustava i novih saznanja;
- osmišljavanje i planiranje inicijativa/projekata sa ciljem da se unaprijede legislativa i praksa u domenu upravljanja ljudskim potencijalima u strukturama državne službe u BiH;
- identifikaciju potencijalnih projekata koji bi kasnije, kroz aplikaciju za finansiranje kod domaćih i međunarodnih partnera i donatora, bili implementirani od strane agencija;
- organizaciju foruma, okruglih stolova, konferencija i drugih sličnih događaja;
- izradu studija i analiza, u cilju daljeg unapređenja praksi u oblasti upravljanja ljudskim potencijalima u državnoj službi;

U svom radu, direktori kroz Forum mogu ostvariti saradnju sa organizacijama i pojedincima koji na različite načine mogu unaprijediti njegov rad.

Način rada i vođenja Foruma direktora sadržani su u dokumentu *Pravila za rad Foruma direktora agencija za državnu službu/upravu u BiH*.

D. IZMJENE U TEKSTU MEMORANDUMA I NJEGOVO TRAJANJE

Sve izmjene u tekstu ovog Sporazuma predmet su prethodno pribavljene pismene saglasnosti svake od pojedinačnih strana potpisnica.



Sporazum stupa na snagu danom njegovog potpisa od svih Strana i nema vremensko ograničenje. Svaka od strana potpisnica ima mogućnost da izađe iz Sporazuma u trenutku kada smatra da je to u njenom interesu uz pismeno obavještenje drugim Stranama.

Sporazum je sačinjen u četiri (4) primjerka, za svaku Stranu po jedan (1).

U Mostaru, 31. maja 2022. godine.

AGENCIJA ZA DRŽAVNU SLUŽBU BOSNE I
HERCEGOVINE

g. Neven Akšamija, direktor

AGENCIJA ZA DRŽAVNU SLUŽBU FEDERACIJE
BOSNE I HERCEGOVINE

g. Refik Begić, direktor

AGENCIJA ZA DRŽAVNU UPRAVU REPUBLIKE
SRPSKE

g. Aleksandar Radeta, direktor

PODODJEL ZA LJUDSKE RESURSE BRČKO
DISTRKT

gđa. Arijana Čulibrk, šefica